

Usaha kerajaan sejak 1969 berhasil lahir peniaga Melayu berjaya—PM

UM 24 APR 1990

IPOH 23 April — Dato' Sri Dr. Mahathir Mohamad berkata, usaha kerajaan melatih dan mendedahkan orang Melayu kepada bidang perniagaan sejak tahun 1969 telah berjaya melahirkan ramai peniaga Melayu yang berjaya malahan ada yang boleh menandingi kaum-kaum lain.

Perdana Menteri berkata, sebaliknya jika pendirian Tunku Abdul Rahman yang menjadi Perdana Menteri sebelum itu bahawa orang Melayu hanya layak menjadi kakitangan kerajaan dan orang Cina pula berniaga, sudah pasti sampai bila-bilapun orang Melayu tidak akan dapat menguasai bidang perniagaan.

Sambil melahirkan rasa kesal terhadap kenyataan Tunku Abdul Rahman bahawa orang Melayu harus menyerahkan sepenuhnya bidang perniagaan kepada kaum Cina, beliau berkata kerana itulah orang Me-

layu dan UMNO telah hilang kepercayaan terhadapnya.

Beliau berkata demikian kepada pemberita ketika diminta mengulas mengenai kenyataan Penasihat Parti Semangat 46 itu, selepas majlis terbuka di kediaman Menteri Besar, di sini malam ini.

Sebelum ini beliau telah mengadakan pertemuan dengan anggota-anggota jawatankuasa Pergerakan Pemuda UMNO Perak.

Ketika ditanya sama ada pendirian Tunku Abdul Rahman itu mencerminkan pendirian Parti Semangat 46, Dato' Sri Dr. Mahathir berkata: "Sebagai penasihat, tentulah sedikit sebanyak pemikiran itu dikongsi oleh parti tersebut".

Dato' Sri Dr. Mahathir kesal terhadap tindakan Tunku Abdul Rahman membuat kenyataan itu, yang menurutnya, telah dengan sendirinya merendahkan martabat Presiden

UMNO yang pertama itu sebagai pejuang kebangsaan dan Baba Kemerdekaan.

"Sebenarnya tidak ada apa-apa yang baru mengemulainya (pendirian Tunku) ketana dari dahulu lagi, itulah pendirian beliau iaitu orang Melayu tidak ada kemampuan memasuki bidang perniagaan, dan oleh itu harus menjadi kakitangan kerajaan sahaja dan orang Cina pula mengendalikan perniagaan," tambah beliau.

Perdana Menteri berkata, walaupun Tunku Abdul Rahman dilaporkan telah menafikan laporan itu tetapi "kita tahu bahawa itulah pendirian Tunku sejak dahulu lagi.

"Kita ingin mengingati Tunku sebagai pejuang kemerdekaan dan Baba Malaysia bahawa kita tidak ingin mengingati beliau dengan perkara-perkara yang tidak dipersetujui oleh kita sejak dahulu yang menyebabkan

kita hilang kepercayaan terhadap Tunku sejak tahun 1969," tambah beliau.

"Kita sedar bahawa memang orang Melayu le-

mah dalam bidang perniagaan tetapi sekiranya tidak dilatih, bagaimana mereka hendak pandai. Orang Cina pun dahulu-

nya hanya menjalankan perniagaan keluarga tetapi setelah dilatih dalam bidang korporat, mereka kini berjaya," kata beliau.

Dato' Sri Dr. Mahathir berkata, melalui latihan, hari ini ramai orang Melayu yang menceburi bidang perniagaan secara besar-besaran.

"Kalau tidak diberi latihan bagaimana kita dapat melahirkan ahli perniagaan seperti Dato' Azman Hashim (Pengerusi Arab Malaysian - Merchant Bank) dan Dato' Shamsuddin Abdul Kadir (Pengerusi Sapura Holdings)," tambah beliau.

Sebelum ini Dato' Sri Dr. Mahathir Mohamad berkata, beliau tidak berhasrat untuk campur tangan terhadap apa jua pergolakan dalam MIC.

Perdana Menteri berkata, MIC adalah salah sebuah komponen parti Barisan Nasional dan hubungan parti itu tidak harus lagi dipertikaikan kerana masing-masing saling berkehendak antara satu sama lain untuk sama-sama meneraju kerajaan.